


## Акафист Рождеству Пресвятой Богородицы



### Кондак 1.

Избранней от человеческого рода и рождающейся от неплодове, Пречистой Деве Марии составим похвалу, яко рождеством Ея начало спасения нашего бысть и пришествие в мир Избавителя возвестися. Темже радостно Ей возопиим:

Радуйся, Пречистая Деве, Материю Спасителя мира от века предызбранная.

### Икос 1.

Ангел небесный предстои пред Богом, послан бысть к праведным Иоакиму и Анне возвестити им радость велию, яко по неплодствии своем имут родити Дщерь Препоблагословенную, от Неяже всему миру радость произыдет. Темже и мы, радости сея причастницы, похвальная песни Деве воспоем:

Радуйся, в Троичном Совете Материю Сына Божия от века предызбранная; радуйся, древними пророками с патриархи многообразне в образех и сенох прообразованная.

Радуйся, в ящиих пяти тысяч лет от создания мира верными Божиими рабы, яко Матерь Избавителя ожиданная; радуйся, лестницею Иаковом виденною, Божие к человеку низшествие прообразовавшего предугапанная.

Радуйся, неопалимою купиною в пустыни Синайстей Моисеем виденною, предвозвещенная; радуйся, Чермным морем Израилю сух путь давшему, фараона же потопившему, образне преднаписанная.

Радуйся, написатися нам в книге Живота Вечного пособствующая; радуйся, Царствия Небесного невозбранный вход нам ходатайствующая. Радуйся, Пречистая Деве, Материю Спасителя мира от века предызбранная.

## Конда́к 2.

Ви́дяще пра́веднии Иоакíм и А́нна я́вляшагося íм А́нгела, возвеща́юща рождество́ Твое́, Пресвята́я Де́во, возблагодарíша Бо́га, призрѣвшаго отъяти поноше́ние безча́дия íх, и всѣм се́рдцем те́пле возо́пиша: Аллилу́иа.

## И́кос 2

Ра́зум Божѣственнаго строительства и на зѣмлю снизше́ствия Своего́ Всеблагíй Господь испóлнити начинáя, послáнием А́нгела Своего́ возвестíти Иоакíму и А́нне о рождестве́ Твое́м, Пресвята́я Де́во. Те́мже вопиѣм Тí хвалѣбно:

Ра́дуйся, ра́зума Божѣственнаго проявлѣние; ра́дуйся, дíвнаго смотре́ния Его́ исполне́ние.

Ра́дуйся, дрѣвле предуста́вленная послужíти воплоще́нию Сы́на Бо́жия; ра́дуйся, от всѣх родо́в в жили́ще всѣх Царя́ предъизбра́нная.

Ра́дуйся, ещѣ в ра́й изрече́нием иску́сителю зми́ю о положѣнии вражды́ между́ те́м и Жено́ю и Се́менем Ея́ предука́занная; ра́дуйся, по исполне́нии вре́мен от непло́дове изволе́нием Бо́жиим сла́вне произше́дшая.

Ра́дуйся, род челове́ческий рождество́м Свои́м возвесели́вшая; ра́дуйся, се́тование ча́явших утѣхи Изра́илевы преложíвшая.

Ра́дуйся, Пречи́стая Де́во, Ма́терию Спасíтеля ми́ра от ве́ка предъизбра́нная.

### **Конда́к 3.**

Сѣла Вѣшнѣяго разреши́ непло́дство заматорѣвша во днѣх своѣх праведныя А́нны: зачатъ бо Ты, Пречѣистая, и, чая Твоего́ рождѣния, радостно пояше́ Бо́гу Израѣилеву хвалѣбную пѣснь: Аллилу́иа.

### **И́кос 3.**

Иму́щая безму́жно родѣти Спасѣтеля ду́ш и телѣс на́ших, Ты и Сама́, яко́ чу́до пред вѣлиимъ и непостижимымъ чудесѣмъ, от непло́дных родѣтелей славно родѣся, Пресвятая́ Дѣво. Тѣмже воспѣва́емъ Ти́ си́це:

Ра́дуйся, от ко́рене Иессѣова и Давѣдова произше́дшая; ра́дуйся, от непло́дных ложесн праведныя А́нны дѣивно прозя́бшая.

Ра́дуйся, проро́чествомъ Исаѣи прѣжде лѣт дре́внихъ Дѣва-Ма́терь проявленна́я; ра́дуйся, по обетова́нью А́нгела рожденна́я.

Ра́дуйся, ски́нию свидѣнія и Ковче́гомъ за́вета прообразованна́я; ра́дуйся, процвѣтшимъ жезло́мъ Ааро́новымъ обра́зне прознаменованна́я.

Ра́дуйся, прѣжде рождества́ Твоего́ в Ма́терь Бо́гу-Сло́ву освященна́я и предуготованна́я; ра́дуйся, рождѣниемъ Твоѣмъ ми́ръ осветѣвша́я.

Ра́дуйся, Пречѣистая́ Дѣво, Ма́терю Спасѣтеля ми́ра от вѣка предъизбранна́я.

#### **Конда́к 4.**

Бури поношений человеческих о неплодствии своём избавльшися в зачатии Твоём, Пресвятая Дево, праведнии родители Твои радовахуся, и в честь рождества Твоего учреждение велие творяху сродником и знаемым, и тии срадовахуся им, вопиюще Богу, сотворшему милость Свою, хвалебную песнь: Аллилуиа.

#### **И́кос 4.**

Слышавше окрестные людие, яко дщи Иоакима и Анны наречена бысть Марія, сиесть Госпожа, проразумеваху, Пречистая, велику и славу Тя быти не токмо в людех, но и у Бога. Мы же сбытие сего добре ведуще, величаем Тя сице:

Радуйся, Пресвятая Дево, не от человека, но от Ангела имя Себе ещё прежде зачатия принявшая; радуйся, по имени сему Госпожею всея твари быти сподобльшаяся.

Радуйся, яко праведнии родители Твои воздающе Богу благодарение за рождение Твое, великия дары в жертву Тому принесоша; радуйся, яко сродником и знаемым, купно же и убогим вечерю любви сотвориша.

Радуйся, яко от священников, в дом родителей Твоих на торжество позванных, благословена еси; радуйся, яко от всех на веселие оно собравшихся, похвалена и прославлена была еси.

Радуйся, выше всякия чести и похвалы явльшаяся; радуйся, Материю Бога-Слова быти сподобльшаяся.

Радуйся, Пречистая Дево, Материю Спасителя мира от века предызбранная.

### **Конда́к 5.**

Боготéчная звезда, возвещáющая пришéствие Сóлнца Прáвды, Христа́ Бóга нáшего, в рождествé Твоём яв́ися, о, Пресвятáя Дéво; тёмже лю́дие Бóжии, пришéствия Избáвителя véрою чáявшии, видяще Тя́ чúдно от неплóдове рóждшуюся, та́инственно возвесели́шася и возопи́ша: Аллилу́иа.

### **И́кос 5.**

Ви́девши прáведнии Иоаќим и А́нна рóждшуюся от них Богоотрокови́цу Мари́ю, о Ней́же А́нгел Бóжий не́кая чúдная и дивная тём провозвест́и, я́ко кивóту Бóжию, Тóй послужи́ша, воспитава́юще и храня́ще Ю́, я́коже зéницу óка. Тёмже и мы́ похваля́юще Богоотцéв, сподóбившихся родите́льми бы́ти таковы́я Дщéри, Дéве Мари́и рáдостно воспева́ем:

Рáдуйся, Пречы́стая Дéво, я́ко по рождествé Твоём родите́лие Твои́ вельми́ возликова́ху; рáдуйся, я́ко в явлéнии Твоём в ми́р А́нгели и челове́цы согла́сно возрадова́хуся.

Рáдуйся, я́ко о Тебе́ вси́ проро́цы многообразне́ предглаго́лаху; рáдуйся, я́ко еди́н от них Врата́ми затворéнными, и́н же Горóю преосенéнною Тя́ именовáху.

Рáдуйся, я́ко вся́ пресла́вная дрéвле та́инственно о Тебе́ предглаго́лано бы́ша; рáдуйся, я́ко Градо́м и Селéнием Бóжиим псалóмская уста́ Тя́ наименова́ша.

Рáдуйся, седмосвéщным свети́льником, я́ко седмию́ дара́ми Свята́го Ду́ха исполнена́ бы́ти имéвшая, предукáзанная; рáдуйся, позлащённою трапéзою с хле́бами предложéния, я́ко Хле́б Ж́изни, Христа́, роди́ти имéвшая, предукáзанная.

Рáдуйся, Пречы́стая Дéво, Ма́терию Спаси́теля ми́ра от véка предъизбра́нная.

## Конда́к 6.

Проповѣдникъ богоносныхъ вѣщанія и глаголы исполняя, изволеніемъ Зиждителя твари на земли явилася еси, Пресвятая Дево, естества нашего цвете, Адама же и Евы воззваніе и на первую доброту возведение. Темже вси вернии в рождестве Твоемъ радость обрѣтши, духовно торжествующимъ, поюще дивному в Совете Своемъ Богу нашему: Аллилуиа.

## И́кос 6.

Возсия в рождестве Твоемъ, Пречистая, заря спасения нашего, во исполненіе Божественнаго смотрения, имже едина Ты от всехъ родовъ достойна явилася еси плоть заимодати Зиждителю Твоему, пришедшему спасти родъ наш от древня протеческия клятвы. Сего ради взываемъ Ти сице:

Радуйся, Адама и Евы воззваніе; радуйся, древня клятвы разрешеніе.

Радуйся, сеновнаго закона конецъ и новья благодати начало; радуйся, промышленности Божественнаго Тайница и на деланія благая нас присно наставляющая.

Радуйся, едина во всехъ родахъ достойно обрѣтшаяся быти Материю Бога-Слова; радуйся, и намъ новымъ во Христѣ людемъ духовная Мати явльшаяся.

Радуйся, Матернимъ Твоимъ попеченіемъ николиже насъ оставляющая; радуйся, в сыны и дщери Сыну Твоему достойны и благоугодны насъ приуготовляющая.

Радуйся, Пречистая Дево, Материю Спасителя міра от века предъизбранная.

## Конда́к 7.

Хотяще о́беты своя́ Го́сподеви возда́ти, пра́веднии роди́телие Твои́, Пресвята́я Де́во, триле́тствующую Тя́ отрокови́цу приве́дша в хра́м Госпо́день со сла́вою и ра́достью мно́гою, первосвяще́нник же (Заха́рия), Ду́хом Бо́жиим объ́ятый, введе́ Тя́ во Свята́я Святы́х, я́же проо́бразом то́кмо бы́ша Твоея́ Святы́ни. Ты́ бо вме́стила в Себе́ не киво́т За́вета, но святы́х Святе́йшаго Сы́на Бо́жия, во утробе́ Твое́й де́вственной плоть восприя́вшаго. Ему́же Ты́ с ли́ки девическими́ ви́ну воспева́ла еси́: Аллилу́иа.

## И́кос 7.

Но́вое и пресла́вное промы́шление́ Божество́нное бы́сть о Тебе́, Де́во Мари́е. В хра́ме бо Бо́жием жи́тельствующи пи́щу от ру́к А́нгельских принима́ла еси́, Пресвята́я. Те́мже мо́лим Тя́: напитáй нас пи́щею благода́тною, да возра́стем духо́вно в му́жа соверше́нна и Тебе́, Всеца́рице, похва́льная возо́пием:

Ра́дуйся, преукраше́нная добродете́лями, Отрокови́це, в хра́ме Бо́жием жи́ти и А́нгелом Собесе́днице бы́ти сподо́бльшаяся; ра́дуйся, посыла́вшуюся Тебе́ Бо́гом пи́щу от А́нгелов во Свята́я Святы́х принима́вшая.

Ра́дуйся, небе́сным хле́бом во хра́ме чуде́сно воспита́нная; ра́дуйся, к вели́кому та́инству воплоще́ния Сы́на Бо́жия та́мо преду́гото́ванная.

Ра́дуйся, я́ко повеле́нием Бо́жиим А́нгели на земли́ Тебе́ усер́дно служа́ху; ра́дуйся, я́ко тии́ ны́не на Небесе́х, я́ко Цари́це, благогове́йно Тебе́ служат.

Ра́дуйся, я́ко и мы́ недосто́йнии пе́снями хвале́бными при́сно Тя́ велича́ем; ра́дуйся, я́ко и ро́ждших Тя́ Богоотце́в всегда́ ублажа́ем и в моли́твах их призыва́ем.

Ра́дуйся, Пречи́стая Де́во, Ма́терию Спаси́теля ми́ра от ве́ка предызбра́нная.

### **Конда́к 8.**

Стра́нное рождество́ Пречи́стыя Дѣвы ви́дешше, устрани́мся сѹетнаго ми́ра, ѹм на Небеса́ прело́жше, иде́же Богома́терь во сла́ве предстои́т Сы́ну Своему́ и Бо́гу, ходата́йствующи пред Ни́м о всѣх вѣрных, всесла́вное рождество́ Ея́ (и в хра́м введе́ние) любо́вию пра́зднующих и вопи́ющих Бо́гу: Аллилу́иа.

### **И́кос 8.**

Вся́ тва́рь в рождестве́ Твоём, Пречи́стая, обре́те ра́дость, печа́ль праотече́скую потре́бляющую: произше́дшим бо от Тебе́ Хри́стом Бо́гом, па́дшее во грѣх преслу́шания естество́ на́ше от паде́ния воста́ и па́ки любѣзно Зижди́телю сотвори́ся. Те́мже умиле́нно Тѣ́и взыва́ем:

Ра́дуйся, всеми́рныя ра́дости предвозвеще́ние; ра́дуйся, та́инство от ве́ка сокрове́ннаго явле́ние.

Ра́дуйся, Ё́юже паде́ния воста́хом; ра́дуйся, Ё́юже пре́жде отринове́нное естество́ на́ше и́стее Бо́гу присво́ися.

Ра́дуйся, Ё́юже Иоаким и А́нна поноше́ния безча́дия свободи́шася; ра́дуйся, Ё́юже безпло́дие серде́ц на́ших в благопло́дие примени́ся.

Ра́дуйся, Ё́юже оби́лие бла́г ве́чных вѣрным от Го́спода пода́ется.

Ра́дуйся, Пречи́стая Дѣво, Ма́терию Спаси́теля ми́ра от ве́ка предъизбра́нная.



## Кондак 9.

Всі Ангели Божии не ведевшии тайны Боговочеловечения в Совете Триипостаснаго Божества от века сокровенныя и напоследок Девею Маріею явленныя, вельми удивлени быша, зряще, како Дщи Иоакима и Анны необычно естеству женскому, во Святаа Святых введеса. Темже недоумением объяти бывше, благоговейно вопияху: Аллилуиа.

## Икос 9.

Ветия древнейший, всемудрый в царех Израилевых Соломон, провидя рождество Твое, Пречистая, в Песнях Песней со удивлением возглашаша: “Кто Сия, проникающая, аки утро, добра, яко луна, избрана, яко солнце”. Темже Церковь ликовствуящи в празднице Твоем, весело Тебе вопиет:

Радуйся, невечерняго дне Богвещения утро светлейшее, в законней сени, яко во мраце, возсиявшее; радуйся, солнцеобразная Дево, истинное Солнце — Христа, девственным воплощением в мир введшая и тем вся просветившая.

Радуйся, световидная стихия, существенно приявшая Бога, живущаго во свете неприступнем; радуйся, Своим малым чревом объявшая Безпредельнаго, вся концы вселенныя объемлющаго.

Радуйся, полная луно, свет божественный непосредственно восприемлющая и нас тем озаряющая; радуйся, чистейшее зеркало, в немже многая совершенства Божия чудно и верно изображаются.

Радуйся, совершенством Твоих добродетелей и нас к тому же подвизающая; радуйся, немощныя наши силы к творению добрых дел подкрепляющая.

Радуйся, Пречистая Дево, Материю Спасителя мира от века предызбранная.

### Кондак 10.

Спасти хотя род человеческий от первородных клятвы, дивное смотрения Своего таинство сотвори Господь: избра бо Тя, Пречистая, от рода Авраамля и Давидова, и от Тебе безсеменно воплотится благоизволи, прешед уставы естества, но и ты произведё от заматорёвша и неплодна корене Иоакима и Анны праведников. Темже рождество Твое (и в храм вхождение) днесь празднующи и рождших Тя пёсньми восхваляющи, вопиём Богу: Аллилуиа.

### Икос 10.

Царю Небесный, спасения нашего ради хотя на земли явиться и с человеки пожити, чертог свят воплощения Своего, Тя, Пречистая, предуготова, подав плод безчадной Анне, слезно с супругником Своим, молившимся о разрешении своего неплодства. Темже молим Тя, Богомати: разреши неплодие душ наших, да возможем принести Богу плод благих дел добродетели, зывающе Ти сице:

Радуйся, пресветлый Чертоже безсеменного Божия воплощения; радуйся, одушевленная Палато, в жилище всех Царя предуготованная.

Радуйся, светлейший облаче, имже Седящий на престоле Божества к нам сниде; радуйся, Посреднице закона и благодати, запечатление Ветхаго и Новаго Заветов.

Радуйся, неувядаемая Лозо, прекрасный цвет — Спасителя мира, произрастившая; радуйся, благовонное яблоко, от неплодове произрастшее и Христу благоугодно явльшееся.

Радуйся, и нас, певцев Твоих, благоугодны Христу представити тщающаяся; радуйся, яко и нас, неплодны сущих делы благими, не лишаеши духовнаго утешения.

Радуйся, Пречистая Дево, Материю Спасителя мира от века предызбранная.

### Конда́к 11.

Пѣснь хвалѣбную рождествѹ Твоемѹ (и в храмъ введѣнію) приносящихъ не отри́ни, Владычице Благая, но ро́ждшихъ Тя́ ра́ди, благоцвѣтлива́ намъ бу́ди, молящи́ о насъ Сы́на Твоего́ и Бо́га нашего́, да пода́стъ грехо́въ прощѣ́ние и жити́я исправле́ние, е́же в покая́нии слѣзномъ вы́ну благодарно́ воспева́емъ Емѹ: Аллилу́иа.

### И́кос 11.

Светопріѣмная и премі́рная Божѣ́ственнаго́ свѣ́та Свещá, единоро́дная Дщѣ́рь Иоакі́ма и А́нны, предъизбра́нная в Ма́терь Единоро́дному Сы́ну Бо́жию, днѣсь от непло́дове пресла́вно произы́де, и просвещáетъ всѣ́хъ рождествó Ея́ (и в храмъ вхожде́ние) ве́рно прázднующихъ и благоговѣ́нно взывáющихъ:

Ра́дуйся, светозáрная Свещé, Божѣ́ственнымъ пла́менемъ возжжѣ́нная; ра́дуйся, и насъ те́мъ благодáтно просвещáющая и согрева́ющая.

Ра́дуйся, та́инственная́ Клещé, У́гль Божѣ́ственный Хри́ста́ Го́спода во утробé и на рука́хъ Твои́хъ носив́шая; ра́дуйся, и насъ в Та́инстве Причаще́ния приима́ти Того́ сподобля́ющая.

Ра́дуйся, живы́й и преукраше́нный Хра́м Госпо́день, о Нѣмже́ поётъ Дави́д: “Свя́т Хра́м Тво́й, дивенъ в правде́”; ра́дуйся, Кади́льнице́ Свята́я, не фимиáмъ, в возду́хе разлива́ющийся, но Хри́ста́, вѣчно́е благово́ние в Себé вместв́шая, и всю́ тва́рь те́мъ облагоухáвшая.

Ра́дуйся, Престо́ле, превознесе́нный со сла́вою, одушевле́нное седалище́ Вели́каго Царя́, нашего́ же Спаси́теля и Го́спода; ра́дуйся, Цари́це Небесе́ и земли́, с Сыно́мъ Твои́мъ и Бо́гомъ вѣчно́ царствующая́ и насъ, убо́гихъ, не забывáющая.

Ра́дуйся, Пречы́стая Де́во, Ма́терію Спаси́теля ми́ра от ве́ка предъизбра́нная.

## Кондак 12.

Благодати па́че, не́же естества́ де́йство прояви́ся в рождестве́ Твоём, Пречи́стая; моли́тву бо безча́дных роди́телей Твои́х, Госпо́дь услы́шав, подаде́ Тя́ им в утеше́ние, я́коже Авра́аму и Са́рре Исаа́ка, восхоте́в вку́пе и Своего́ смотре́ния та́инство на Тебе́ соверши́ти и угото́вати Тя́ в Ма́терь Единоро́дному Сы́ну Своему́, обетова́нному на́шему Искупи́телю. Ему́же благода́рно поём: Аллилу́иа.

## Ўкос 12.

Пою́ще сла́вное Твоё от непло́дове рождéние (и в хра́м Господень введе́ние), хва́лим Тя́ Пречи́стая, я́ко Та́инницу Бо́жия о на́с спаси́тельного смотре́ния, воплоще́нием от Тебе́ Бо́га-Слова́ явле́ннаго, и вопиём Ти́ си́це:

Ра́дуйся, чи́стая Но́ева Голуби́це, рождество́м Твои́м преста́тие пото́ка сме́ртнаго возвестив́шая; ра́дуйся, ве́твь благове́стия Христа́ Спаси́теля погиба́вшему грехо́м ро́ду челове́ческому принёсшая.

Ра́дуйся, еди́на блаже́нная в жена́х, послуша́нием Твои́м Бо́гу преслуша́ние прама́тери Ёвы́ исправив́шая; ра́дуйся, печа́ль Ада́ма и прóчих праотцев, (истомив́шихся ожида́нием прише́ствия Изба́вителя) рождество́м Твои́м в ра́дость преложи́вшая.

Ра́дуйся, я́ко рождество́ Твоё ра́дость возвести́ все́й вселённой; ра́дуйся, я́ко в рождестве́ Твоём ма́тери ра́дуются и непло́ды веселя́тся (веду́ще, я́ко и Ты́ от непло́дове произошла́ еси́).

Ра́дуйся, я́ко и все́х рождество́ Твоё (и в хра́м вхожде́ние) ве́рно и благоче́стно пра́зднующих сподобля́еши благода́тнаго весели́я; ра́дуйся, с Сыно́м Твои́м, одесну́ю Отца́ во сла́ве Его́, спосади́ти на́с, Его́ мно́го умоля́ющая.

Ра́дуйся, Пречи́стая Де́во, Ма́терию Спаси́теля ми́ра от ве́ка предызбра́нная.

### Конда́к 13.

О, Всепета́я и Пречи́стая Ма́ти Де́во, прими́ си́е на́ше хвалёбное пёние в че́сть пресла́внаго рожде́ства Твоего́ (и в хра́м введе́ния) приноси́мое, и возроди́ в на́с жела́ние бла́г вёчных, вку́пе же и изба́ви на́с, Це́рковь Твою́ Святу́ю, Оте́чество на́ше и оби́тели ино́чския от вся́ких бе́д и напа́стей, от враго́в ви́димых и неви́димых, и бу́дущия изми́ му́ки и Небе́снаго Ца́рствия на́с сподо́би, да во ве́ки веко́в о Тебе́ вопие́м: Аллилу́иа.

Этот конда́к чита́ется **три́жды**, зате́м и́кос 1 и конда́к 1.

### И́кос 1.

А́нгел небе́сный предсто́яй пред Бо́гом, по́слан бы́сть к пра́ведным Иоаки́му и А́нне возвести́ти им ра́дость ве́лию, я́ко по непло́дствии своём́ и́мут роди́ти Дщѣ́рь Преблагослове́нную, от Нея́же все́му ми́ру ра́дость произы́дет. Те́мже и мы́, ра́дости сея́ прича́стницы, похвальная́ пѣсни Де́ве воспоём́:

Ра́дуйся, в Тро́ичном Совете́ Ма́терию Сы́на Бо́жия от ве́ка предъизбра́нная; ра́дуйся, дре́вними проро́ками с патриа́рхи многообра́зне в обра́зах и се́нех прообра́зованная.

Ра́дуйся, вѣ́щшии пяти́ ты́сящ ле́т от создáния ми́ра ве́рными Бо́жиими раба́ми, я́ко Ма́терь Изба́вителя ожида́нная; ра́дуйся, ле́ствицею Иа́ковом ви́денною, Бо́жие к челове́ком снизше́ствие прообра́зова́вшего предуказа́нная.

Ра́дуйся, неопали́мою купино́ю в пусты́ни Сина́йстей Моисе́ом ви́денною, предвозвеще́нная; ра́дуйся, Чермным́ мо́рем Изра́илю су́х пу́ть да́вшему, фара́она же пото́пившему, обра́зне преднапи́санная.

Ра́дуйся, написáтися на́м в кни́зе Живота́ Ве́чнаго посóбствующая; ра́дуйся, Ца́рствия Небе́снаго невозбра́нный вход на́м ходáтайствующая. Ра́дуйся, Пречи́стая Де́во, Ма́терию Спаси́теля ми́ра от ве́ка предъизбра́нная.

### Конда́к 1.

Изра́нней от челове́ческаго ро́да и ро́ждшейся от непло́дове, Пречи́стей Де́ве Мари́и соста́вим похвалу́, я́ко рожде́ством Ея́ нача́ло спасе́ния на́шего бы́сть и прише́ствие в ми́р Изба́вителя возвести́ся. Те́мже ра́достно Ёй возопи́им:

Ра́дуйся, Пречи́стая Де́во, Ма́терию Спаси́теля ми́ра от ве́ка предъизбра́нная.

## Молітва первая.

О, Пресвятая Владычице, Христа Спасителя нашего Богоизбранная Мати, у Бога святыми молитвами испрошенная, Богу посвященная и Богом возлюбленная! Кто Тебе не убожит или кто не воспоет, Твоего преславного рождества. Рождество бо Твое бысть началом спасения человеков, и мы, сидящие во тме согрешений, зрим Тя, Непреступного Света жилище. Сего ради витийствующий язык не может песнословити Тя по достойнию. Паче бо серафим возвысилась еси, Пречистая. Обаче прими от недостойных раб Твоих нынешнее похваление и не отрини мольбы наша. Твое величие исповедуем, Тебе во умилении припадаем и скорую в заступлении чадолубивую и благосердную Матерь дерзновенно просим: умоли Сына Твоего и Бога нашего даровати нам, много согрешающим, искреннее покаяние и благочестное житие, да возможем творити вся Богу угодная и душам нашим полезная. Возненавидим вся злая, укрепляеми Божественною благодатию во благом произволении нашем. Ты непостыдная надежда наша в час смерти, даруй нам христианскую кончину, безбедное шествие на страшных мытарствах воздушных и наследие вечных и неизреченных благ Царствия Небеснаго, да со всеми святыми немолчно исповедуем Твое о нас заступление и да славим единого Истинного Бога, во Святей Троице покланяемого, Отца и Сына и Святаго Духа. Аминь.

## Молітва вторая.

Преблагословенная Дѣво Маріе, Царице небесѣ и земли, Твоему чудотворному образу припадающе, умиленно глаголем: призри милостиво на рабы Твоя и Твоим всесильным ходатайством ниспосли коемуждо потребная. Вся верныя чада Святыя Церкви спаси, неверныя обрати, заблуждших на путь правый настави, старость и слабость сил поддержи, юных в вере святой возрасти, мужество ко благу направи, грешников к покаянию приведи и всех христиан мольбы услыши, болящих уврачуй, скорби утоли, путешествующим спутешествуй. Ты вѣси, Всемилостивая, яко немощны, яко грешни, яко озлобляеми и недостойни прощѣния Божия, обаче буди нам в помощь, да ни коим грехом самолюбия, соблазна и диавольскаго прельщѣния прогневлѣем Бога: Тя имамы Предстательницу, Иже не отрѣнет Господь. Аще бо восхощеши, вся даровати нам можеши яко благодатный источник, верно поющим Ти и превозносящим преславное Твое рождество. Избави, Владычице, грехопадений и бед всех, благочестно призывающих святое имя Твое и поклоняющихся честному образу Твоему. Ты бо молитвами беззакония наша туе очищаеши, темже Тебе припадаем и паки вопиѣм: отжені от нас всякаго врага и супостата, всякия напасти и губительнаго неверия; молитвами Твоими, подающи дожди благовременны и земле обильное плодonoсие, вложи в сердца наша страх Божественный ко исполнению заповедей Господних, да вси тихо и мирно проживѣм во спасение душ наших, во благо ближних и во славу Господа, Ему бо, яко Творцу, Промыслителю и Спасителю нашему всякая подобает слава, честь и поклонение, ныне и присно и во веки веков. Аминь.

### Молітва трэ́тья.

О, Пречістая и Преблагословенная Дѣво, Владычице Богородице, от неплодове по обетованію рождающаяся и чистоты ради души и тела Твоего сподобляющаяся быти Материю Сына Божия, Господа нашего Иисуса Христа, с Нимже ныне на небесі пребываеши и имаши велие дерзновение ко Пресвятой Троице, от Неяже, яко Царица, венцем вечнаго царствования увенчана еси. Темже смиренно к Тебе прибегаем и просим: исходатайствуй нам у Всемилостиваго Господа Бога прощение всех прегрешений наших вольных и невольных; страждущему отечеству нашему спасения, мира, тишины и благочестия возстановление, времена мирны и безмятежны, крамол злых непричастны; ко изобилию же плодов земных, воздуха благорастворения, дождей мирны и благовременны. И вся, яже к житію и спасению нашему потребная, испроси нам у Сына Твоего, Христа Бога нашего. Наипаче же благопопеші нам украситися благими нравами и добрыми делы, да, елико мощно, подражатели будем святому Твоему житію, имже от юности на земли украшалася еси, благоугождающе Господу; сего ради явилася еси честнейшая Херувим и славнейшая Серафим. Эй, Госпоже Пресвятая, буди нам во всем скорая Помощница и премудрая ко спасению Наставница, да Тебе последствующи и Тобою воспomoществуеми, сподобимся наследницы быти Небеснаго Царства, страданиями Сына Твоего исходатайственнаго, исполнителям же святых заповедей Его обещаннаго. Ты бо еси, Госпоже, едина наша по Бозе надежда и упование, и Тебе весь живот наш предаем, чающе Твоего ради ходатайства и заступления не посрамлены быти в час исхода нашего от жития сего, и на Страшном Суде Сына Твоего, Христа Бога нашего деснаго Его стояния сподобитися, и тамо вечно радоватися со всеми от века Ему благоугодившими и немолчно славити, хвалити, благодарити и благословляти Его со Отцем и Духом во веки веков. Аминь.